



KAITIBO MA JAROM mai Mexico

*Kaitibo ma ataein te Moanrinan
aika a buokiia aomata, n aron
are e karaoia Iesu.*



**Ni kabane
bon rongo-
rongon
Jarom**

MAN:
te Kaawa ae
Mexico, Mexico

ANA RIRIKI: 10

TAETAE:
Spanish

KOURU AO KANOANIMII:
1) N riki bwa taokitaia
maan ke taokitan te iango.
2) Korei tamnei aika
tikiraoi.
3) Bwaina te akoi ao te
karinerine nakoia aomata.



UTU:
Jarom, Tinau, Tamau,
tariu aika uoman

KAMATAATA N TE TAMINEI IROUN MIKE LAUGHHEAD

Bain Jarom n Ibuobuoki

Jarom iai ana kamea aika teniman
aika uareke. Teuana ana mwakuri bon
kamwarakeaia ni katoa bong. E rang n
tatangirria. Jarom bon te tia ongora ae
rairoi ao te mitinare. Ngke e ongo maten
tibun raoraona ae te unimwaane, Jarom e
wetea raoraona. Jarom e ongora irouna. E
karaua naba nanona ao e tuangnga taekan
ana baire Tamara are i Karawa ibukira.

Jarom e tangirria raoraona bwa a na
kukurei. E taetae nakoia n tainako ibukin
te Ekaretia ao e kaoia nakon bootaki ao
waaki ni kakukurei. "Ngkana kam tataro,
ururingia raoraomi ao ami utu," e taku
Jarom. "Bubuti bwa kam na ataia bwa kam
na kanga ni buokiia." ●



Jarom e iriira ana banna Iesu ni karau
nanaoia aomata. Raira te iteraniba ni
wareka karakinan Iesu ngke e berita
nakoira te karaunano.

Bwaai aika e tatangiri Jarom



KARAKINAN IESU:
Ngke E buoka te mwaane
ae mataki ao ngke E a
manga uti man te mate



TABO:
Tabo ni kamaangang
ao te umwantabu



KUNANA N TE MOANRINAN:
"When I Am Baptized" (Aia
Boki n Anene Ataei, 103)



KANANA:
Pozole tuubu, french
fries, ao tonati



KARAIA:
Buruu ao te beebo



ANA BWAII N TE REIREI:
History ao geography

Raoniia kaain Te Tiim ae Baai n Ibuobuoki!



Ngkana ko beku ibukiia tabemwaang, ngkoe
bon kaain te Tiim ni Baai n Ibuobuoki! Antai ae
ko kona ni buokia?